

Transkription von Urkunde HGW 1382c

Ort, Datierung: Greifswald, 1382-02-13

Signatur: Stadtarchiv Hansestadt Greifswald, Rep. 2 Nr. 158 [\[online\]](#)

Inhalt: Hennyngh Bere: Rentenbrief

Bemerkung: anderes Datum: 12.02.1382

Vor al de ieghen de dessen bref zeen edder horen lesen . beke(n)ne ik hennyngh bere dede wonet tho / mirsow . vnde myne rechten ernamen dat wy hebben vor koft den erliken luden her hinrick / stuppellenberghe her ma(thi)as leuenhaghen vnde her Joha(n)n lowen . vorstendere(n) tho zu(n)te jurien vor / dem Grypeswolde tho der hand den elenden tho deme zuluen zu(n)te jurien dordehalue mark / renthe dede het bede in deme dorpe tho sansten de ze alle iar nu boren scolten tho zu(n)te mycheles / daghe de nu tho kome(n)de is . vnde vortmer tho allen iaren . de dar na volghen . vt deme houe dar / drewes bloker ane wonet . veer vnde twintigh schillinghe . vnde vt heyne wolgastes houe achte schil=/linghe . vnde ut deme houe dar hennyngh herme(n)s moder y(n)ne wonet achte schillinghe . desse dorde=/halue mark renthe vorebenomed dar is vore ghegheuen vn(de) is ghekoft . vor twintigh mark su(n)desch / de my hennyngh bere voreb(enomed) reddeliken . wol betalet zint myt reden pennynghen . vortm(er) scal ik / hennyngh bere voreb(enomed) vn(de) myne rechten ernamen(n) . den wedder kop dar ane hebben v(m)me also / vele pennynghen also hir vore screuen steit vnde we(n)ne ik hennyngh bere voreb(enomed) edder myne / ernamen desse vorebenomede renthe . willen wedder kopen van den voreb(enomeden) vorstendere(n) . edder / van eren nakomelingen dat scole wy en eyn half yar . vore tho zegghen . vn(de) scolten en wedder / gheuen twintigh mark su(n)des . myt der renthe by(n)nen der mure tho deme Grypeswolde zu(n)der / Jenergherleje togheringhe vppe su(n)te merthens dagh .. vortm(er) zo loue ik hennyngh bere voreb(enomed) / vnde myne ernamen(n) . We(n)ne de vorstende(re) . van su(n)te Jurien voreb(enomede) . edder ere nakomelinghe . vs af / borede su(n)der jenegherhande argelist . vn(de) tho ener betughenisse hebbe ik hennyngh voreb(enomed) myn / Jnghezeghel ghehenghet vor dessen bref . de gheuen vn(de) screuen is na godes bord . tho deme / Grypeswolde . dusetn iar drehu(n)dert yar indeme twe vn(de) achtighesten jare des du(n)nerdaghes / vor Vastelaue(n)de